

唐  
音  
統  
籤

戊籤三十九

唐音統籤卷

六百四十一

聶夷中字坦之河東人咸通十二年登進士第官

華陰尉少貧苦精於古體有公子家詩田家詩言

近意遠合三百篇之旨集一卷

唐志二卷宋志一卷夷山詩載史

傳又苑英華洪氏絕句者二十七首載郭茂倩樂府互見孟東野集者一首皆為夷中原集之舊趙

玄度藏有李孔章本多七首今校定雜怨二首即

孟東野之往婦怨鋤田當日午一絕乃李紳詩並

刪去餘四首別

為附錄存之

### 長安道

此地無駐馬夜中猶走輪所以路傍草少於衣上

塵

古別離

欲別牽郎袂，問郎幾處不恨歸。日遲莫向臨邛去。

游子吟

萱草生堂階，游子行天涯。慈親倚堂門，不見萱草花。

烏夜啼

衆鳥各歸枝，烏烏爾不棲。還應知妾恨，故向綠窓啼。

起夜來

念遠心如燒不覺中夜起桃花帶露泛一作立在

月明裏

公子家

種花滿西園花發青樓道花下一禾生去之爲惡

草

空城雀

一作孟郊詩郭茂倩作夷中詩

一雀入官倉所食能損幾所處往復頻官倉乃害

爾魚網不在天鳥網不在水飲啄要自然何必空

城裏

短歌行

八月木陰

一作紫

薄十葉三墮枝人生過五十亦已

同此時朝出東郭門嘉樹鬱參差暮出西郭門原

草已離披南鄰好臺榭北鄰善歌吹榮華忽銷散

一作歇

四顧令人悲生死與榮辱四者乃常期古人

恥其名沒世無人知無言顰似霜勿謂髮如絲青  
年無一善何殊食乳兒

### 公子行二首

漢代多豪族恩深益驕逸走馬踏殺人街吏不敢

詰紅樓宴青春數里望雲蔚金缸燭

一作詭

勝畫不

畏落暉疾美人盡如月南威莫能

一作不敢

正芙蓉白

天來不向水中出飛瓊奏

一作綺席憂

雲和碧簫吹鳳

質唯恨魯陽死無人駐白日

花樹出牆頭花裏誰家樓一行書不讀身封萬戶

侯美人樓上歌不見古涼州

### 飲酒樂

日月似有事一夜行一周草木猶須老人生得無  
愁一飲解百結再飲破百憂白髮欺賤貧不入醉  
人頭我願西江水盡向杯中流安得阮步兵同入  
醉鄉游

### 勸酒二首

白日無定影清江無定波人無百年壽百年復如  
何堂上陳美酒堂下列笙歌與君入醉鄉醉鄉樂  
天和歲歲松栢茂日日丘陵多君看終南山萬古  
青峩峩

灞上送行客聽唱行客歌適來橋下水已作渭川  
波人間榮樂少四海別離多但恐別離淚自成苦  
一作水河勸爾一杯酒所贈無餘多

田家

父耕原上田子斲山下荒六月禾未秀官家已修  
倉

出家

二月賣新絲五月糶新穀  
得眼前瘡剝却心頭肉  
我願君王心化作光明燭  
不照綺羅筵只照逃亡屋

雜怨

良人昨口去明月又不圓  
別時各有淚零落青樓前

古典

片玉一塵輕粒粟丘山重  
唐虞貴民食祇是勤播種  
前聖後聖同今人古人共  
一歲如苦饑金玉何

唐音統籤

所用

一作將何用

秋夕

日往無復見秋堂暮仍學玄髮不知白曉入寒銅  
覺爲材未辭樹有玉猶在璞誰把碧桐枝刻作雲  
門樂

訪嵩陽道士不遇

先生五嶽遊文焰滅

一作藏

金鼎月

一作日

下鶴過時

人間空落影常言一粒藥不隨死生境何當列禦  
寇去問仙人請

題賈氏林泉

市朝束名利林泉繫清通豈知黃塵內迥有白雲

蹤輕流逗密篠直榦入寬

一作高

空高吟五君咏疑

對九華峰我知種竹心欲扇清涼風我知決泉意

欲明濟物功有琴不張絃衆星列

一作落

梧桐須知

淡泊聽聲在無聲中地非樵者路武陵又何逢祗

慮迷所歸池上口西東

### 早發鄴北經古城

微月東南明雙牛耕古城但耕古城地不知古城

名當昔置此城豈料今日

一作人

耕蔓草已離披狐

兔何縱橫秋雲零落散秋風

一作風雨

蕭條生對古良

可嘆念今轉傷情古人已冥冥今人又營營不知  
馬蹄下誰家舊臺亭

燕臺二首

燕臺累黃金上欲招儒雅貴得賢士來更下於隗  
者自然樂毅徒趨風走天下何必馳鳳書旁求向  
林野

燕臺高百尺燕滅臺亦平一種是亡國猶得禮賢  
名何似章華畔空餘禾黍生

過比干墓

殷辛帝天下厭爲天下尊乾綱旣一斷賢愚無二

門佞是福身本忠作喪已源餓虎不食子人無骨

肉恩日影不入地下埋冤死冤腐骨一作肉不爲主

應作石直一作木根余來過此鄉下馬弔此墳靜念

若臣間有道誰敢論一作有誰敢抗論

### 贈農

勸爾勤耕田盈爾倉中粟勸爾無伐桑減爾身上  
服清霜一委地萬草色不綠狂風一飄林萬葉不  
着木青春如不耕何以自拘束

### 客有進嘆後時者作詩勉之

後達多晚榮速得多疾傾君看構大厦何曾一日

成在煖須在桑在飽須在耕君子貴弘道道弘無  
不亨太陽垂好光毛髮悉見形我亦二十年直似  
戴盆行荆山產美玉石石皆堅貞未必盡有玉玉  
且間石生精衛一微物猶恐填海平

住京寄同志

在京如在道日日

一作夜夜

先雞起不離十二街日行

一百里役役大塊土周朝復秦市貴賤與賢愚古  
今同一軌白兔落天西赤鷄飛海底一日復一日  
日日復終始自嫌性如石不達榮辱理試問九十  
翁吾今尚如此

送友人歸江南

皇州五更鼓月落西南維此時有行客別我孤舟  
歸上國身無主下第誠可悲

哭劉駕博士

出門四顧望此日何徘徊終南舊山色夫子安在  
哉君詩如門戶夕閉晝還開君名如四時冬盡夏  
復來原野多丘陵累累如高臺君墳雖數尺誰與  
夫子偕

附錄

大垂手

金刀剪輕雲盤用黃金縷裝束趙飛燕數來掌上  
舞舞罷飛燕死片片隨風去

胡無人行

男兒徇大義立節不沽名腰間懸陸離大歌胡無  
行不讀戰國書不覽黃石經醉臥咸陽樓夢入受  
降城更願生羽翼飛身入青冥請携天子劍斫下  
旄頭星自然胡無人雖有無戰爭悠哉典屬國驅  
羊老一生

雜興

兩葉能蔽日雙豆能塞聰理身不知道將爲天地

聾擾擾造化內茫茫天地中苟或無所願毛髮亦  
不容

戊籤四十

唐音統籤卷

六百四十二

于濱字子漪咸通進士終泗州判官作詩頗于教

化古風詩一卷

唐宋志同

巫山高

何山無朝雲彼雲亦悠揚何山無暮雨彼雨亦蒼  
茫宋玉恃才者憑虛構高堂自垂文賦名荒淫歸  
楚襄峩峩十二峰永作妖鬼鄉

越溪女

會稽山上雲化作越溪人在破吳王國徒爲西子  
身江邊浣紗伴黃金扼雙腕倏忽不相期思傾趙

飛燕妾家基業薄空有如花而嫁盡綠窓人獨自  
盤金線

經館娃宮

館娃宮畔顧國變生嬌妬句踐膽未嘗夫差心已  
悞吳亡甘已矣一作昔越勝今何處當時二國君  
一種江邊墓

秦原覽古

耕者戮力地龍虎曾角逐火德道將亨夜逢蚩母  
哭昔日望夷宮是處尋桑穀漢祖竟爲龍趙高徒  
指鹿當時行路人已合傷心目漢祚又千年秦原

草還綠

南越謠

迢迢東南天巨浸無津壖雄風卷昏霧干戈滿樓  
船此時尉佗心兒童待幽燕三寸陸賈舌萬里漢  
山川苦令交趾貨盡生虞芮田天意苟如此遐人  
誰肯憐

金谷感懷

黃金騎石崇與晉爭國力更欲佳人間一日買不  
得行爲忠信主身是文章宅四者俱不聞空傳墮  
樓客

馬嵬驛

常經馬嵬驛見說坡前客一從屠貴妃生女愁傾  
國是日芙蓉花不如秋草色當時嫁匹夫不妨得  
頭白

青樓曲

青樓臨大道一上一回老所思終不來極目傷春  
草

古宴曲

雉扇合蓬萊朝車回紫陌重門集嘶馬言宴金張  
宅燕娥奉卮酒低鬟若無力十戶手胼胝鳳凰釵

一隻高樓齊下視日照羅衣色笑指負薪人不信  
生中國

宮怨

郭茂倩  
樂府

妾家望江口年少家財厚臨江起珠樓不賣文君  
酒當年樂貞巢燕時爲友父兄未許人畏妾事  
姑舅西墻隣宋玉窺見妾眉宇一旦及天聰恩光  
生戶牖謂言入漢宮富貴可長久君王縱有情不  
奈陳皇后誰憐頰似桃孰知腰勝柳今日在長門  
從來不如醜

塞下曲

紫塞曉屯兵黃沙披甲臥

一作赤子別父母犬戎圍遼安

戰鼓聲

未齊烏鳶已相賀燕然山上雲半是離鄉鬼衛霍

徒富貴豈能清乾坤

一作不知誰與論

### 隴頭吟

借問隴頭水終年恨何事深疑嗚咽聲中有征人

淚自古蘊長策況我非才智無計謝潺湲一宵空

不寐

後四句郭茂倩樂府作昨日上山下達曙不能寐何處接長波東流入海

### 遼陽行

遼陽在何處妾欲隨君去義合齊死生本不誇機

杼誰能守空閨虛問遼陽路

長城

秦皇豈無德蒙氏非不武豈將版築功萬里遮胡  
虜圍沙世所難作壘明知苦死者倍堪傷僵屍猶  
抱杵十年居上郡四海誰爲主縱使骨爲塵冤名  
不入土

沙場夜

城上更聲發城下杵聲歇征人燒斷蓬對泣沙中  
月耕牛朝輓甲戰馬夜銜鐵士卒浣戎衣交河水  
爲血輕裘兩都客洞房愁宿別何況遠辭家生死  
猶未決

古征戰

高峰凌霄冥深穴萬丈坑皇天自山谷焉得人心  
平齊魯足兵甲燕趙多娉婷仍聞麗水中日日黃  
金佳苟非夷齊心豈得無戰爭

恨從軍

不嫁白衫兒愛君新紫衣早知遽相別何用假光  
輝已聞都萬騎又道出重圍一軸金裝字致君終  
不歸

子從軍

男作鄉中丁女作鄉男婦南村與北里日日見父

母豈似從軍兒一去便白首何當鑄劍戟盡得丁男力

戍卒傷春

連年戍邊塞過却芳菲節東風氣力盡不減陰山雪  
蕭條柳一株南枝葉微發爲帶故鄉情依依藉攀折  
晚風吹磧砂夜淚啼鄉月凌煙閣上人未必皆忠烈

戍客南歸

北別黃榆塞南歸白雲鄉孤舟下彭蠡楚月沉滄浪  
爲子惜功業滿身刀箭瘡莫渡汨羅水回軍忠

孝腸

邊遊錄戍卒言

二十屬盧龍三十防沙漠平生愛功業不覺從軍  
惡今來容鬢改知學彎弓錯赤肉痛金瘡他人成  
衛霍目斷望君門君門苦寥廓

苦辛吟

塼上扶犁兒手種腹長飢窻下擲梭女手織身無  
衣我願燕趙姝化爲嫫母姿一笑不直錢自然家  
國肥

山村叟

古鑿巖居人一廛稱有產雖需巾履形不及貴門  
大驅牛耕白石課女經黃罽歲暮霜霰濃畫樓人  
飽暖

田翁歎桑

手植千樹桑文杏作中梁頻年徭役重盡屬富家  
郎富家田業廣用此買金章昨日門前過軒車滿  
垂楊歸來說向家兒孫竟咨嗟不見千樹桑一浦  
芙蓉花

里中女

吾聞池中魚不識海水深吾聞桑下女不識華堂

陰貧窓苦機  
富家鳴杵枯天與  
雙明眸只教識  
蒿簪徒惜越娃貌  
亦蘊韓娥音珠玉  
不到眼遂無  
奢侈心豈知趙飛燕  
滿髻釵黃金

織素謠

貧女苦筋力  
線絲夜夜織  
萬梭爲一素  
世重韓娥色  
五侯初買笑  
建章方落籍  
一曲古涼州  
六親長血食  
勸爾畫長眉  
學歌飽親戚

野蠶

野蠶食青桑  
吐絲亦成蠶  
無功及生人  
何異偷飽  
煖我願  
爾絲化爲寒者衣

秦富人

作羅隱詩者誤

高高起華堂，遠遠引流水。糞土視金珍，猶嫌未奢。  
侈陋巷，滿蓬蒿。誰憐有顏子。

富農詩

并序

一 讀寓居堯山南六十里，里有富農得氏琅琊人，指其貌此多藏者也。積粟萬餘，馬牛無算，血屬星居於里，土生不遺，死不贈環，顧妻孥意與天地等，故作是詩用廣知者。

長聞鄉人語，此家勝良賈。骨肉化飢菟，倉中有飽。  
鼠青春滿桑柘，旦夕鳴機杼。秋風一夜來，累累聞。  
砧杵。西鄰有原憲，蓬蒿遶環堵。自樂固窮心，天意。  
在何處。當門見稚子，已作桑田主。安得四海中，盡。

唐音統鑑

爲虞芮士

燒金曲

天壽畏不永燒金希長年積土培枯根自謂松栢  
堅南陌試騷褻西樓歌嬋娟豈知蔓草中日日開  
夜泉

擬古意

白玉若無玷花顏須及時國色久在室良媒亦生  
疑鴉鬟未成髻鸞鏡徒相知翻慙効顰者却笑從  
人遲

擬古諷

洛陽大道傍甲第何深邃南畝無一廛東園有餘  
地春蹊化桃李秋沼生荷芰草木本無情此時如  
有爲旱苗當壟死流水資嘉致余心甘至愚不會  
皇天意

感懷

採薇易爲山何必登首陽濯纓易爲水何必泛滄  
浪貴崇已難慕諂笑何所長東堂桂欲空猶有收  
螢光

寒食

二月野中芳凡花亦能香素娥哭新冢樵柯鳴桑

桑田父引黃犬尋孤上高崗墳前呼犬歸不知頭  
似霜

山村曉思

開門省禾黍鄰翁水頭住今朝南澗波昨夜西川  
雨牧童披短蓑腰笛期煙渚不問水邊人騎牛傍  
山去

村居晏起

村舍少聞事日高猶閉關起來花滿地戴勝鳴桑  
間居安卽永業何者爲故山朱門與蓬戶六十頭  
盡斑

早發

綠野含曙光東北雲如茜  
棲鴉林際起落月水中  
見此身何自苦日日凌霜  
霰流蘇帳裏人猶在陽  
臺畔

旅館秋思

旅館坐孤寂出門成苦吟  
何事覺歸晚黃花秋意  
深寒蝶戀衰草軫我離鄉  
心更見庭前樹南枝巢  
宿禽

思歸引

作羅隱詩者誤

不耕南畝田爲愛東堂桂  
身同樹上花一落又經

歲交親日相薄知己恩潛替日開十二門自是無  
歸計

述已歎

不長不成人及長老逼身履善本求樂及善尤苦  
辛如何幽并兒一箭取功勲

季夏逢朝客

滌水桃李熟杜曲芙蓉老九天休沐歸腰玉垂楊  
道避路回綺羅迎風嘶騾裏豈知山谷中日日吹  
瑤草

贈太行開路者

手斲太行山心齊太行巔斲盡太行險君心更摩  
天何如同苦辛自艱東臯田

感事

花開蝶滿枝花謝蝶還稀惟有舊巢燕主人貧亦  
歸

戊籤四十一

唐音統籤卷

六百四十三

邵謁韶州翁源人少博聞爲縣吏客至今怒不措  
 逐去遂截髻著縣門發憤讀書平居如里中兒  
 未冠者束髮苦吟尤能工古調尋抵京師隸國學  
 時溫庭筠主試乃榜其詩三十餘篇以振公道已  
 而釋褐後赴官不知所終集一卷唐志無宋志有集後有胡寅王  
 者爲之序云其歿後降巫賦詩一絕詞韻悽苦雖  
 老筆不逮別見王籤徐獻忠曰邵君數奇分淺  
 發憤苦吟雖質木盈餘續藻乏  
 飲要之潤石未雕終非俗品

古樂府

對酒彈古琴絃中發新音新音不可辨十指幽怨

深妾顏不自保四時如車輪不知今夜月曾照幾  
時人露滴芙蓉香香銷心亦死良時無可留殘紅  
謝池水

戰城南

武皇重征伐戰士輕生死朝爭刃上功暮作泉下  
鬼悲風弔枯骨明月照荒壘千載留長聲嗚咽城  
南水

放歌行

龜爲康靈亡魚爲弄珠死心中自有賊莫怨任公  
子屈原若不賢焉得沉湘水

輕薄行

薄薄身上衣輕輕浮雲質長安一花開九陌馬蹄疾誰言公子車不是天上力

學仙詞

上仙傳秘訣淡薄與無營鍊藥  
變性不變形三尸既無累百慮自不生是知寸心中有路通  
上清祖龍好仙術燒却黃金精

白頭吟

漢家天宇濶日月不暫閒常將古今骨裨作北邙  
山山高勢已極猶自凋朱顏

寒女吟

寒女命自薄生來多賤微家貧人不聘一身無所  
歸養蠶徒苦心蠶熟他人絲織素徒苦力素成他  
人衣青樓富家女纔生便有主終日著羅綺何曾  
識機杼清夜聞歌聲聽之淚如雨他人如何歡我  
意又何苦所以問皇天皇天竟無語

自歎

春蠶未成繭已質箱籠質蠶子徒有絲終年不成  
疋每念古人言有得則有失我命獨如何憔悴長  
如一白日九衢中幽獨暗如漆流泉有枯時窮賤

無盡日惆悵復惆悵幾迴新月出

春日有感

我心如蘖苦他見如薺甘火未到身者痛楚難共  
語但言貧者拙不言富者貪誰知苦寒女力盡爲

桑蠶

長安寒食

春日照九衢春風媚羅綺萬騎出都門擁在香塵  
裏莫辭吊枯骨千載長如此安知今日身不是昔  
時鬼但看平地遊亦見摧輶死

秋夕

萬里憑夢歸骨肉皆在眼覺來益惆悵不信長安  
遠人人但爲農我獨常逢旱惡命如漏卮滴滴添  
不滿天末鴈來時一叫一腸斷

下第有感

古人有遺言天地如掌濶我行三十載青雲路未  
達嘗聞讀書者所貴免征伐誰知失意時痛於刃  
傷骨身如石上草根蒂淺難活人人皆愛春我獨  
愁花發如何歸故山相携採薇蕨

覽鏡

一照一迴悲再照顏色衰日月自流水不知身老

時昨日照紅顏今朝照白絲白絲與紅顏相去咫尺間

苦別離

十五爲君婚二十入君門自從入戶後見君長出門朝看相送人暮看相送人若遣折楊柳此地樹無根願爲陌上土得作馬蹄塵願爲曲木枝得作雙車輪安得大行山移來君馬前

望行人

登樓恐不高及高君已遠望行人郎卽行雲歸郎不返嗟爲樓上人重重不相近若作轍中泥不放郎

車轉白日下西山望盡妾腸斷

### 論政

賢哉三握髮爲有天下憂孫弘不開閣丙吉寧問  
牛內政由股肱外政由諸侯股肱政若行諸侯政  
自修一物不得所蟻穴滿山丘莫言萬木死不因  
一葉秋朱雲若不直漢帝終自由子嬰一失國渭  
水東悠悠

### 歲豐

皇天降豐年本憂貧士食貧士無良疇安能得稼  
穡工傭輸富家日落長歎息爲供豪者糧役盡匹

夫力天地莫施恩施恩強者得

### 妓女

天若許人登青山高不止地若許人窮黃泉深無  
水量諸造化情物成皆有以如何上青冥視之平  
若砥日下騁琅玕空中無羅綺但見勢騰凌將爲  
長如此炫燿一時間逡巡九泉裏一種爲埃塵不  
學墮樓死

### 金谷園懷古

在富莫驕奢驕奢多自亡爲女莫騁容騁容多自  
傷如何金谷園鬱鬱椒蘭房昨夜綺羅列今日池

館荒竹死不變節花落有餘香美人抱義死千載  
名猶彰嬌歌無遺音明月留清光浮雲易改色衰  
草難重芳不學韓侯婦銜冤報宋王

經安容先生舊居

羽化留遺蹤千載蹤難沒一泉巖下水幾度換明  
月松老不改柯龍久皆變骨雲雨有歸時雞犬無  
還日至今青山中寂寞桃花發

覽張騫傳

採藥不得根尋河不得源此時虛白首徒感武皇  
恩桑田未開改日月曾幾昏仙骨若求得壘嶺無

新墳不見杜陵草至今空白繁

覽孟東野集

蚌死留夜光劍折留鋒鏃哲人歸大夜千古傳珪璋珪璋徧四海人倫多變改題花花已無說月月猶在不知天地間白日幾時昧

贈鄭殷處士

善琴不得聽嘉玉不得名知音既已死良匠亦未生退居一河湄山中物景清魚沉池水碧鶴去松枝輕長材廢人用大厦失巨楹顏子不得祿誰謂天道平

送徐羣宰望江

古人力文學所務安疲昨今人力文學所務惟公  
卿大賢重邦本屈跡官武城勸民勤機杼自然國  
用并但見富貴者知食不知耕忽爾秋不熟儲廩  
焉得盈貢藝既精苦用心必公平吾道不遺賢霄  
漢期芳馨一夫若有德千古稱其英陶潛雖理邑  
崔烈徒台衡濁者必惡清賢者必惡明孤松自有  
色豈奪衆草榮爲刀苦不利焉得宰牛名爲絲若  
不直焉得琴上聲好去立高節重來振羽翎

送從弟長安下第南歸覲親

白日不得照戴天如戴盆青雲未見路舟車勞出門採薇泰山鎮養親湘水源心中豈不切其如行路難爲文清益峻爲心直且安芝蘭未入用馨香志獨存他門種桃李猶能蔭子孫我家有棠陰枝葉竟不繁心醉豈因酒愁多徒見萱征徒忽告歸執袂慙慙論在鳥終爲鳳爲魚須化鯢富貴豈長守貧賤寧有根丈夫志不大何以佐乾坤晝短疾於箭早來獻天言莫戀蒼梧畔野煙橫破村

少年行

丈夫十八九膽氣欺韓彭報讐不用劍輔國不用

兵以目爲水鑑以心作權衡願君似堯舜能使天下平何必走馬誇弓矢然後致得人心爭

瞽者歎

我心豈不平我目自不明徒云備雙足天下何由行

送友人江行

送君若浪水疊疊悲思起夢魂如月明相送秋江裏

貞女墓

生持節操心死作堅貞鬼至今墳上春草木無花

升

紫閣峰

壯國山河倚空碧  
迴拔煙霞侵太白  
綠崖下視千  
萬尋青天只據百餘尺

漢宮井

轆轤聲絕離宮靜  
班姬幾度照金井  
梧桐老去殘  
花開猶似當時美人影

顯茂樓

秦山渭水尚悠悠  
如何草樹迷宮闕  
繁華朱翠盡  
東流唯有望樓對明月

國子監右前件進士所納詩篇等誠畧精微堪  
裨教化聲調激切曲備屈詰標題命篇時所難  
著燈燭之下雄詞卓然設立榜示衆人不敢獨  
專華藻並仰榜出以明無私仍請申堂并榜禮  
部咸通七年十月六  
日試官溫庭筠榜

戊籤四十二

唐音統籤卷

六百四十四

王遵

宋志云遵一作遵今才調集亦作遵又萬首絕句唐詩紀事作汪姓

宣城人登

咸通七年進士第詠史詩一卷

唐志無宋志有據言云遵與許棠

同鄉幼爲小吏棠應二十餘舉遵猶在胥徒善爲絕句詩然深自晦密一旦辭役就貢會棠送客至

戰城南

風沙刮地塞雲愁平日交鋒晚未休白骨又霑新

戰血青天猶列舊旄頭

短歌吟

箭飛烏兔競東西貴賤賢愚不夢齊匣裏有琴樽

有酒人間便是武陵溪

雞鳴曲

金距花冠傍舍棲  
清晨鄰畔一聲齊  
開關自有馮生計  
不必天明待汝啼

楊柳

亞夫營畔柳濛濛  
三教邊四路通  
攀折贈君還  
有意翠眉輕嫩怕春風

招隱

罷聽泉聲看鹿羣  
丈夫才策合匡君  
早携書劍離  
巖谷莫待蒲輪輓白雲

詠酒二首

九醞松醪一曲歌本圖閒放養天和後人不識前  
賢意破國亡家事甚多

萬事銷沈向一杯竹門啞軋爲風開秋宵睡足芭  
蕉雨又是江湖入夢來

題李太尉平泉莊

平泉風景好高眠嵩少縱橫滿目前惆悵人間不  
平事今朝身在海南邊

蒼頡臺

以下詠史

觀跡成文代結繩皇風儒教浩然興幾人從此休

耕釣吟對長安雪夜燈

斑竹祠

九處煙霞九處昏  
一回延首一銷魂  
因憑直節流紅淚  
圖得千秋見血痕

箕山

薄世臨流洒耳塵  
便歸雲洞任天真  
一瓢風入猶嫌鬧  
何況人間萬種人

比干墓

國亂時危道不行  
忠賢諫死勝謀生  
一沈冤骨千年後  
隴水雖平恨未平

息國

家國興亡身獨存  
玉容還受楚王恩  
衡冤只合甘先死  
何待花間不肯言

杞梁墓

一叫長城萬仞摧  
杞梁遺骨逐妻回  
南鄰北里皆孀婦  
誰解堅心繼此來

采桑婦

爲報躊躇陌上郎  
蠶飢日晚妾心忙  
本來若愛黃金好  
不肯携籠更采桑

吳坂

蹇跼鹽車萬里蹄忽逢良鑒始能嘶不緣伯樂稱  
奇骨幾與駑駘價一齊

干將墓

囊籥冰霜萬古聞拍灰松地見餘墳應緣神劍飛  
揚久水水山山盡是雲

越女

玉貌何曾爲浣紗只圖勾踐獻夫差蘇臺日夜惟  
歌舞不覺干戈犯翠華

五湖

已立平吳霸越功片帆高颺五湖風不知戰國縱

橫者誰似陶朱得始終

晉河

風引征帆管吹高晉君張翼侯雄豪舟人笑指千  
餘客誰是烟霄六翮毛

西河

花貌年年溺水濱俗傳河伯謬生人自從明宰投  
巫後直至如今鬼不神

細腰宮

鼓聲連日燭連宵貪向春風舞細腰爭奈君王正  
沈醉秦兵江上促征橈

屈祠

不肯迂回入醉鄉  
乍吞忠鯁沒滄浪  
至今祠畔猿啼月  
了了猶疑恨楚王

三閭廟

爲嫌朝野盡陶陶  
不覺官高怨亦高  
憔悴莫酬漁父笑  
浪交千載詠離騷

招屈亭

三閭溺處殺懷王  
感得荆人盡綈裳  
招屈亭邊兩重恨  
遠天秋色暮蒼蒼

漁父

掉月眠流處處通  
綠簑葦帶混元風  
靈均說盡孤高事  
全與逍遙意不同

郢中

莫言白雪少人聽  
高調都難稱俗情  
不是楚詞詢宋玉  
巴歌猶掩繞梁聲

瑤臺

僊夢香奩不久留  
滿川雲雨滿宮愁  
直須待得荆王死  
始向瑤臺一處遊

澠池

西秦北趙各稱高  
池上張筵列我曹  
何事君王親

擊缶相如有劍可吹毛

燕臺

禮士招賢萬古名高臺依舊對燕城如今寂寞無人上春去秋來草自生

聊城

刃血攻聊已越年竟憑儒術罷戈鋌田單漫逞燒牛計一箭終輸魯仲連

夷門

晉鄙兵回爲重難秦師收旆亦西還今來不是無朱亥誰降軒車問抱關

杜郵館

殺盡降兵熱血流一心猶自逞  
才功成若解求身退豈得將  
軍死杜郵

函谷關

脫禍東奔壯氣摧馬如飛電  
轂如雷當時若不聽彈鋏那  
得關門半夜開

易水

七首空磨事不成讓留龍袂  
持琴聲斯須卻作秦中鬼青  
史徒標烈士名

東海

藻舟雪浪映花顏  
徐福携將竟不還  
同作危時避秦客  
此行何似武陵灘

長城

遵此時得名于時何光遠以爲集中無以加

秦築長城比鐵牢  
蕃戎不敢過臨洮  
雖然萬里連雲際  
爭及堯階三尺高

項亭

不修仁德合文明  
天道如何擬力爭  
隔岸故鄉歸不得  
十年空負拔山名

烏江

兵散弓殘挫虎威  
單鎗匹馬突重圍  
英雄去盡羞

容在看卻江東不得歸

淮陰

秦李賢人混不分只應漂母識王孫歸榮便累千金贈爲報當時一飯恩

樊將軍廟

玉輦曾經陷楚營漢皇心怯擬休兵當時不得將軍力日月須分一半明

升仙橋

漢朝卿相盡風雲司馬題橋衆又聞何事不如楊得意解搜賢哲薦明君

昇仙橋

題橋貴欲露先誠此日人皆笑率情應訝臨卬沽  
酒客逢時還作漢公卿

白頭吟

失却青絲素髮生合歡羅帶意全輕古今人事皆  
如此不獨文君與馬卿

望思臺

不憂家國任姦臣骨肉翻爲墓路人巫蠱事行冤  
莫雪九層徒築見無因

北海

漢臣曾此作縲囚茹血衣毛十九秋鶴髮半垂龍  
節在不聞青史說封侯

昭君

漢家天子鎮寰瀛塞北羌胡未罷兵猛將謀臣徒  
自貴蛾眉一笑塞塵清

密縣

百里能將濟猛寬飛蝗不到邑人安至今閭里逢  
災沴猶祝當時卓長官

嚴陵臺

一釣淒涼在杳冥故人飛詔入山扃終將寵辱輕

軒冕高卧五雲爲客星

桐江

光武重興四海寧漢臣無不受浮榮嚴陵何事輕  
軒冕獨向桐江釣月明

銅雀臺

銅雀臺成玉座空短歌長袖盡悲風不知仙駕歸  
何處徒遣翠眉望漢宮

南陽

陸困泥蟠未適從豈妨耕稼隱高蹤若非先主垂  
三顧誰識茅廬一卧龍

延平津

三尺晶熒射斗牛豈隨凡手報冤讐延平一旦爲  
龍處看取風雲布九州

金谷

晉臣榮盛更誰過常向堦前舞翠蛾香散艷消如  
一夢但留風月伴煙蘿

綠珠

大抵花顏最怕秋南家歌歇北家愁從來幾許如  
春貌不肯如君墜玉樓

彭澤

鶴愛孤松雲愛山官情微祿免相關栽成五柳吟  
歸去漉酒巾邊伴菊閒

翠寺

立國從來爲戰功一朝何事卻談空臺城兵市無  
人敵閒臥高僧滿楚宮

陳宮

椒宮荒宴竟無疑倏忽山河盡入隋留得後庭亡  
國曲至今猶與酒家吹

破陳

獵獵朱旗映彩霞紛紛白刃入陳家看看打破東

平苑猶舞庭前玉樹花

汴河

隋皇意欲泛龍舟千里崑崙水別流還待春風錦  
飄煖柳陰相送到迷樓

隋柳

夾浪分堤萬樹餘爲迎龍舸到江都君看靖節高  
眠處只向衡門種五株

戊籤四十三

唐音統籤卷

六百四十五

胡曾邵陽人咸通中舉進士不第嘗爲漢南從事

有安定集十卷

宋志

詠史詩三卷

唐志

今共編三

卷

曾詠史詩洪氏兩首絕句載一百首內府注釋本載一百四十九首今考陳氏書錄云凡一百

五十首查有廣武山一首失載補入

七言律詩

交河塞下曲

交河水薄日遲遲漢將思家感別離塞北草生蘇  
武泣隴西雲起李陵悲曉侵雉堞烏先覺春入關  
山鴈獨知何處疲兵心最苦夕陽樓上笛聲時

車遙遙

自從車馬出門朝，便入空房守寂寥。玉枕夜殘

一作

寒魚信絕

一作斷

金鈿秋盡鴈書遙。臉邊楚雨臨風

落，頭上秦雲向日銷。芳草又衰還不至，碧天霜冷

轉無憐。

薄命妾

阿嬌初失漢皇恩，舊賜羅衣亦罷熏。倚枕夜悲金  
屋雨，捲簾朝泣玉樓雲。宮前葉落鴛鴦瓦，架上塵  
生翡翠裙。龍騎不巡時漸久，長門空掩綠苔紋。

獨不見

玉關一自有氛埃年少從軍竟未回門外塵凝張  
樂樹水邊香滅按歌臺愆歲月夜人何處簾捲春  
風燕復來萬里寂寥音信絕一作寸心爭恐不成  
灰

寒食都門作

二年寒食住京華寓目春風萬萬家金絡馬銜原  
上草玉釵人折路傍花軒車竟出紅塵外冠蓋爭  
回白日斜誰念都門兩行淚故園寥落在長沙

草檄落南蠻有詠

紀事云高駢鎮蜀南蠻時飛一木夾有借錦江飲馬

之語曹時爲書記以檄被之兼有詩云云或曰路巖鎮蜀日曾爲之

辭天出塞陳雲空霧卷霞開萬里通親受虎符安  
宇宙誓將龍劍定英雄殘霜敢冒高懸日秋葉爭  
禁大段風爲報南蠻須屏跡不同蜀將武侯公

自嶺下泛鷁到清遠峽作

乘船浮鷁下韶水絕境方知在嶺南蘿薜雨餘山  
似黛蒹葭洲盡島如藍且遊蕭帝新松寺夜宿端  
娥舊桂潭不爲篋中書未獻便來茲地結茅菴

早發潛水驛謁郎中員外

半床秋月一聲雞萬里行人費馬蹄青野露銷凝  
晉剡碧山烟散迢秦溪樓臺稍辨鳥城外更漏微

聞鶴柱西已是大仙憐後進不應來向武陵迷

贈漁者

不愧人間萬戶侯子孫相繼老扁舟往來南越諳  
鰕室生長東吳識蜃樓自爲釣竿能遣悶不因萱  
草解銷憂羨君獨得逃名趣身外無機任白頭

題周瑜將軍廟

共說生前國步難山川龍戰血漫漫交鋒魏帝旌  
旗退委質吳王社稷安庭際雨餘春草長廟前風  
起晚花殘功勳碑碣今何在不得當時一字看

七言絕句

下第

翰苑何時休嫁女  
文昌早晚罷生兒  
上林新桂年年發  
不許平人折一枝

贈薛濤

萬里橋邊女校書  
枇杷花下閉門居  
掃眉才子知多少  
管領春風總不如

戊籤四十三胡曾之二

唐音統籤卷

六百四十六

詠史七言絕句一

不周山

共工爭帝力窮秋因此捐生觸不周遂使世間多  
感客至今哀怨水東流

涿鹿

涿鹿茫茫白草秋軒轅曾此破蚩尤丹霞遙映祠  
前水疑是成川血尚流

洞庭

五月扁舟過洞庭魚龍吹浪水雲腥軒轅黃帝今

何在迴首巴山蘆葉青

箕山

寂寂箕山春復秋更無人到此溪頭棄瓢巖畔中  
宵月千古空聞屬許由

蒼梧

有虞龍駕不西還空委簫韶洞府一作間無計得  
知陵寢處愁雲長滿九疑山

湘川

虞舜南捐萬乘君靈妃揮涕竹成紋不知精鬼遊  
仙處落日瀟湘空白雲

嶓冢

夏禹崩來一萬秋水從嶓冢至今流當時若訴勝  
胝苦更使何人別九州

塗山

大禹塗山御座開諸侯玉帛走如雷防風設有專  
車骨何事茲辰最後來

商郊

鶯囀商郊百草新殷湯遺跡在荒榛誰知繼桀爲  
天子便是當初祝網人

傅巖

巖前版築不求伸方寸那希據要津自是武丁安  
寢夜一宵宮裏夢賢人

鉅橋

積粟成塵竟不開誰知拒諫剖賢才武王兵起無  
人敵遂作商郊一聚灰

首陽山

孤竹夷齊恥戰爭望塵遮道請休兵首陽山倒爲  
平地應始無人說姓名

孟津

秋風颯颯孟津頭立馬沙邊看水流見說武王東

渡日戎衣曾此叱陽侯

渭濱

岸草青青渭水流子牙曾此獨垂鉤當時未入非  
熊兆幾向斜陽嘆白頭

漢江

漢江一帶碧流長兩岸春風起綠楊借問膠船何  
處沒欲停蘭棹祀昭王

瑤池

阿母瑤池宴穆王九天仙樂送瓊漿謾誇八駿行  
如電歸到人間國已亡

襄城

恃寵驕多得自由  
驪山舉火戲諸侯  
祇知一笑傾人國  
不覺胡塵滿玉樓

流沙

七雄戈戟亂如麻  
四海無人得坐家  
老氏却思天竺住  
便將徐甲去流沙

葉縣

葉公丘墓已塵埃  
雲矗崇墉亦半摧  
借問往年龍見日  
幾多風雨送將來

鄧城

鄧侯城壘漢江干自謂深根百世安不用三甥謀  
楚計臨危方覺噉臍難

息城

息亡身入楚王家迴首春風一面花感舊不言長  
掩面祇應翻恨有容華

召陵

小白匡周入楚郊楚王雄霸亦咆哮不師管仲爲  
謀主爭敢言徵縮酒茅

綿山

親在要君召不來亂山重疊使空迴如何堅執尤

唐詩集卷之八  
人意甘何巖前作死灰

魯城

魯公城闕已丘墟荒草無由認  
玉除因笑臧孫才  
智少東門鐘鼓祀鷄鵬

驢驢陂

行行西至一荒陂因笑唐公不見機  
莫惜驢驢輸  
令尹漢東宮闕早時歸

夾谷

夾谷鶯啼三月天  
野花芳草整相鮮  
來遲不見侏  
儒死空笑齊人失措年

姑蘇臺

吳王恃霸棄雄才，貪向姑蘇醉醅。不覺錢塘江  
上月一宵西送越兵來。

章華臺

茫茫衰草沒章華，因笑靈王昔好奢。臺土未乾簫  
管絕，可憐身死野人家。

細腰宮

楚王辛苦戰無功，國破城荒霸業空。唯有青春花  
上露，至今猶泣細腰宮。

陽臺

楚國城池楓已空  
陽臺雲雨去無蹤  
何人更有襄王夢  
寂寂巫山十二重

武關

戰國相持竟不休  
武關纔掩楚王憂  
出門若取靈均語  
豈作咸陽一死囚

汨羅

襄王不用直臣籌  
放逐南來澤國秋  
自向波間葬魚腹  
楚人徒倚濟川舟

蘭臺宮

遲遲春日滿長空  
亡國離宮蔓草中  
宋玉不憂人

事變從遊那賦大王風

荊山

抱玉巖前桂葉稠  
碧溪寒水至今流  
空山落日猿聲叫  
疑是荊人哭未休

吳宮

草長黃池千里餘  
歸來宗廟已丘墟  
出師不聽忠臣諫  
徒恥窮泉見子胥

會稽山

越王軍敗已山棲  
豈望全生出會稽  
何事夫差無遠慮  
便開羅網放鯨鯢

吳江

子胥今日委東流吳國明朝亦古丘大笑夫差諸  
將相更無人解守蘇州

五湖

東上高山望五湖雪濤煙浪起天隅不知范蠡乘  
舟後更有功臣繼踵無

摩笄山

春草綿綿岱日低山邊立馬看摩笄黃鸝也解追  
前事來向夫人死處啼

房陵

趙王一旦到房陵國破家亡百恨增  
魂斷叢臺歸不得夜來明月爲誰升

黃金臺

北乘羸馬到燕然此地何人復禮賢  
欲問昭王無處所黃金臺上草連天

濮水

青春行役思悠悠一曲汀蒲濮水流  
正見塗中龜曳尾令人特地感莊周

馬陵

墜葉蕭蕭九月天驅羸

一作兵

獨過馬陵前路傍古

水蟲書處記得將軍破的

一作敵年

秦庭

楚國君臣草莽間吳王戈甲未東還包胥不動咸陽哭爭得秦兵出武關

柏舉

野田極目草茫茫吳楚交兵此路傍誰料伍員入郢後大開陵寢撻平王

故宜城

武安南伐勒齊兵踈鑿功將夏禹并誰謂長渠千里後蠻流猶入故宜城

夷陵

夷陵城闕倚朝雲戰敗秦師縱火焚何事三千珠  
履客不能西禦武安君

杜郵

自古功成禍亦侵武安冤向杜郵深五湖煙月無  
窮水何事遷延到陸沉

函谷關

寂寂函關鑠未開田文車馬出秦來朱門不養三  
千客誰爲鷄鳴得放迴

夷門

唐詩集卷之八  
六龍冉冉驟朝昏  
魏國賢才杳不存  
唯有侯羸在  
時月夜來尚自照夷門

邯鄲

曉入邯鄲十里春  
東風吹下玉樓塵  
青蛾莫怪頻含笑  
記得當年失步人

渚池

日照荒城芳草新  
相如曾此挫強秦  
能令百二山河主  
便作樽前擊缶人

長平

長平瓦震武安初  
趙卒俄成戲鼎魚  
四十萬人俱

下世元戎何用讀兵書

卽墨

卽墨門開縱火牛  
燕師營裏血波流  
固存不得田  
卑術齊國尋成一土丘

豫讓橋

豫讓酬恩歲已深  
高名不朽到如今  
年年橋上行  
人過誰有當時國士心

成都

杜宇曾爲蜀帝王  
化禽飛去舊城荒  
年年來叫桃  
花月似向春風訴國亡

虞坂

悠悠虞坂路欹斜遲日和風簇野花未省孫陽身  
歿後幾多騏驎困鹽車

朝歌

長嗟墨翟少風流急管繁絃似寇讐若解聞韶知  
肉味朝歌欲到肯迴頭

望夫山

一上青山便化身不知何代怨離人古來節婦皆  
銷朽獨爾不爲泉下塵

金義嶺

鑿開山嶺引湘波上去昭回不較多無限鵲臨橋  
畔立適來天道過天河

易水

一旦秦皇馬角生燕丹歸此送荆卿行人欲識無  
窮恨聽取東流易水聲

金牛驛

山嶺千重擁蜀門成都別是一乾坤五丁不鑿金  
牛路秦惠何由得併吞

鳳凰臺

秦娥一別鳳凰臺東入青冥更不迴空有玉簫千

載後遺聲時到世間來

云云亭

一上高亭日正晡  
青山重疊片雲無  
萬年松樹不知數  
若箇蚪枝是大夫

長城

祖舜宗堯自太平  
秦王何用苦蒼生  
不知禍起蕭牆內  
虛築防胡萬里城

阿房宮

新建阿房壁未乾  
沛公兵已入長安  
帝王苦竭生靈力  
大業沙崩固不難

東海

東巡玉輦委泉臺徐福樓船尚未迴自是祖龍先  
下世不關無路上蓬萊

沙丘

年年遊覽不曾停天下山川欲遍經堪笑沙丘纔  
過處鑾輿風過鮑魚腥

咸陽

一朝閭樂統羣兇二世朝廷掃地空唯有渭川流  
不盡至今猶遶望夷宮

上蔡

上蔡東門狡兔肥李斯何事忘南歸功成不解謀  
身退直待雲陽血染衣

殺谷子

舉國賢良盡淚垂扶蘇屈死樹邊時至今谷口泉  
嗚咽猶似當時恨李斯

軹道

漢祖西來秉白旄子嬰宗廟委波濤誰憐君有翻  
身術解向秦宮殺趙高